

Toni Vukadin, gradski vijećnik u
Gradskom vijeću Grada Sarajeva

PRIMLJENO: 16. 09. 2022			
Org. jed.	Broj	Prilog	Vrijednost
01-65-04	-	1396/22	

GRADA SARAJEVO

GRADSKO VIJEĆE

Predsjedavajući Gradskog vijeća

U skladu s članom 122. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), u funkciji gradskog vijećnika, podnosim Gradskom vijeću na razmatranje i usvajanje

Prijedlog Deklaracije o osudi stavova Zorana Milanovića prema Bosni i Hercegovini

koja je u prilogu ovog akta.

Predlažem da se akt razmatra po skraćenom postupku u skladu sa članom Poslovnika Gradskog vijeća Grada Sarajeva.

U Sarajevu, 16.09.2022. godine,

Podnosilac prijedloga



- Prijedlog

Na osnovu člana 26. stav 1. tačka 2. i član 74. stav 1. Statuta Grada Sarajeva („Službene novine Grada Sarajeva, broj 34/08), Gradsko vijeće Grada Sarajeva, na svojoj sjednici održanoj donosi

Deklaraciju o osudi stavova Zorana Milanovića prema Bosni i Hercegovini

Gradsko vijeće Grada Sarajeva većinu izjava gospodina Zorana Milanovića, a koje se odnose na Bosnu i Hercegovinu, smatra neodmjeranim i štetnim za odnose dvije prijateljske države.

Ponašanje gospodina Milanovića nije državničko niti primjereno predsjedniku jedne europske države.

Izražavamo poštovanje prema časnoj i odgovornoj funkciji predsjednika Republike Hrvatske, ali ne možemo to poštovanje izjaviti prema gospodinu Milanoviću radi njegovih uvredljivih i nediplomatskih izjava prema Bosni i Hercegovini.

Izjave gospodina Milanovića neće ništa dobro donijeti ni Hrvatskoj, a ni Bosni i Hercegovini, niti na bilo koji način doprinose regionalnoj stabilnosti i saradnji.

Sarajevo, glavni grad Bosne i Hercegovine, otvoren je za sve ljude dobre volje, ali ne i za one koji vrijeđaju i rade štetu.

Zato pozivamo gospodina Milanovića da promijeni svoje uvredljivo ponašanje prema Bosni i Hercegovini.

Do tada neka ne dolazi u Sarajevo, glavni grad Bosne i Hercegovine, jer neće biti poželjan.

Nadamo se da će se gospodin Milanović sabrati i promijeniti svoje ponašanje. Do tada niko od zvaničnih organa Grada Sarajeva neće biti njegov domaćin u bilo kojoj od protokolarnih, pa ni drugih aktivnosti, a što je inače uobičajena praksa prilikom posjeta šefova država i drugih visokih zvanica iz EU i svijeta.

O ovom stavu Gradskog vijeća Grada Sarajeva biti će obavješteni državni organi Bosne i Hercegovine kao i Ambasada Republike Hrvatske u Sarajevu.

Naglašavamo da će građanke i građani Republike Hrvatske uvijek biti rado viđeni i dobrodošli gosti u Sarajevu, kao i do sada.